

Testement de astruguet debia vefve
de feu guill(aum)e riviere

L an mil six cens neuf et le doutzie(me) du
mois de **may** a **mo(n)tauban** avant
midy dan la **maison** d habita(ti)on de
sire **mariet debia marchand** regnant
henry roy de france et de navarre
pardevant moy not(air)e royal et en
p(rese)nce des tesmoins bas nmmes
a este establye(e)n personne **astruguet**
debia vefve de feu **guill(aum)e riviere joantoune**
du lieu **de mongaillard** visconte de
villemur et a p(rese)nt **habitante** dud(it)
villemur laquelle [con]siderant la fragilité
humaine et qu()il n()y a ch(os)e si [cer]taine
que la mort n y incertaine que l heure
d()icelle sa sentant aucunem(ent) malade
de son corps saine toutesfois de son
esprit et entendem(ent) bien parlant voyant
entendant et cognoissant de son gré a
faict et ordonne son testem(ent) et derniere
volonte en la forme et maniere que
s ensuit premierem(ent) a recommandee
son ame a n(ot)re bon dieu createur du
ciel et de la [ter]re le suppliant au nom
et par le merite de son filz bien aime
n(ot)re seigne(ur) jesus christ luy faire
pardon et misericorde de ses fautes et
peches et recepvoir son ame en son
regne celeste de paradis le fortiffiant
par son saint esprit po(ur) perseverer
en son amour et craincte jusques au dern(ier)
soupir de sa vie item veut estre
ensepvelie chrestienem(ent) suivant **l ordre**
et police de l esglize refformee voulant
vivre et mourir en la [pro]fession d()icelle
aussi donne et legue a **jeanne riviere**

.....

I° xxxiiij

femme de m(aîtr)e pierre decamps not(air)e royal
dud(it) mongaillard et a **catherine riviere**
femme de pierre larocque laboure(ur)
du mazaige de bia juri(dicti)on dud(it)
montauban]a-cha~~eune~~[ses filles legitimes
et naturels et dud(it) feu riviere a chacune

d()elles cinq soulz t(ournoi)z payables apres
son deces et avec ce]et dot q(u'e)lle[
]a-[con]stituee aux contractz de leurs[
]mariage[les a faictes et instituees
ses hoires [par]ticulieres et que n'ayent
ne puissent avoir au(tr)e ch(os)e en
ses biens et heredité soit po(ur) raison
de legitime supplem(ent) d icelle ou au(tre)m(ent)
en quelque forme et maniere que ce
soit aussi donne et legue a **marie
et gabrielle riviere** aussi **ses filles**
legitimes et naturelles a marier a
chacune d()elles la somme de trente
livres t(ournoi)z payable dans l an apres
son deces et ce tant po(ur) les agreables
services et bons offices qu()elles a receuz
d'elles et espere recevoir a l advenir
que po(ur) tout droict de legitime
supplem(ent) d()icelle ou au(tr)es droictz qu()elles
pourroient avoir en et sur ses biens
et heredite et avec ce les a faictes
et instituees ses hoires [par]ticulieres
et que n()ayent ne puisse avoir au(tr)e
ch(os)e en et sur sesd(its) biens et heredite
et par ce que l()institu(ti)on hereditaire
est le chef et fondem(ent) de tout
bon et valable testament lad(ite) testatrice
en tous et chacuns ses au(tr)es biens
voix noms droictz et actions p(rese)ns et
advenir ou q(ue) soient et luy puissent

.....
a[par]tenir a faict et institue et de sa [pro]pre
bouche nommé son hoir universel et
gen(er)al scavoir **jean riviere son filz**
legitime et naturel po(ur) en f(air)e et disposer
a ses volontes a la vie et a la mort
en payant ses debtes et legatz et au(tr)es
charges hereditaires et ce tant po(ur)
les agreables services et bons offices que
elle a receuz de luy et espere recevoir
a l advenir que po(ur) les grands fraiz
qu()il a exposes et expoze tous les jours
aux medicamens et unguens qu()il
[con]vient exposer au **mal appelle noli
me tangeré** qu()elle a a]ung[son]l[**oeilh
dextre** item casse revoke et annulle
tous et chacuns ses au(tr)es testem(ent) ou
dispositios par()elle cy devant faictz
ou faictes di poinct se treuvent et
a()vouleu et veut le p(rese)nt estre son

dern(ier) et valable testament et que
vaille [par] droict de testem(ent) codicille
ou donna(ti)on faicte a cause de mort
et [par] quelconque au(tr)e moyen [par]
lequel mieux pourra valloir de
droict si a pries et requiz les tesmoins
y p(re)ns et assistans de ce dessus estre
recordz et memoratifs et a moy not(air)e
luy en rettenir instrum(ent) q(ue) luy ay [con]
cede ez p(re)nces de m(aîtr)e pierre planques
greffier led(it) debia jean duges isaac
castaing pierre barthe pierre cetines
jean debia merchandz dud(it) mo(n)tauban
soubz(sig)nes et moy not(air)e lad(ite) testresse
ne scaict escrire

Debia Duges, p(re)nt Planques, p(re)nt

I. Castang, p(re)nt

Cetines, p(re)nt

Barthe, p(re)nt

Debia, p(re)nt

Brandalac, not(air)e r(oyal)